



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LXXIV. Epistola qualiter pupilli recipientur.

urn:nbn:de:hbz:466:1-22974

pore facultatis meæ penitus reddantur extranei. Et si aliud comparvero, aut ex parentibus meis mihi obvenerit, vel ad traxero, vel quolibet ingenio ad me pervenerit, quod in isto testamento supra non commemoravimus, post meum discessum casa sancti illius per rectores suos recipiat perpetuiter ad possidendum. Per praesens testamentum baillicanam sancti illius heredem meum instituo, & quicquid unicuique deputavi, fidei tuae committo. Quia hoc quod tibi deputavi, malo te habere quam me, te magis quam ceteros heredes ac proheredes meos. Si quis vero, quod futurum esse non credo, sive aliquis heredum ac proheredum meorum, vel quilibet opposita persona praesens testamentum meum infringere conatus fuerit vel tentare presumperit, in primis, usque dum ad veram emendationem proinde corrigatur, Deum & sanctos suos habeat contrarios, & a minimis Ecclesiae efficiatur extraneus, & insuper ei quem pulsaverit, unam cum socio fisco, auri libras tantum coactus exsolvat, & nihilominus praesens pagina firma permaneat, quam manu mea propria subter firmavi, & bonorum hominum signis vel allegationibus roborandam decrevi, stipulatione subnexa, Actum. & reliqua.

Gesta justæ confuetudinem Romanorum, quælibet testamentum allegentur.

LXXXIII. Anno illo regnante Rege illo, sub die illo, in civitate illa, adstante viro illo laudabili defensori & omni curia publica, vir magnificus ille prosecutor &c. ut supra pag. 425.

Textus mandati.

Domino magnifico fratri illi, ille. Peto & supplico atque tua caritati injungo, ut in vicem meam civitatem illam adreas, & donationem illam quam ego partibus illius de locis nostris nuncupatis illis sitis in pago illo per meum legitimum instrumentum confirmavi, prosequi & gestis municipalibus coram curia publica & defensores facias allegari. Propterea tibi hoc mandatum concordissimum &c. ut supra pag. 426.

Post recitationem mandati, vir honestus ille defensor dixit. Mandatum quidem recitatum est, sed suprascriptum testamentum, quod præ manibus habere dicis, amanuensis accipiat, & nobis praefentibus recitur, & ut postulas gestis publicis firmetur. Qui statim accipiens, per ordinem illud recitavit. Post recitationem vero ille persecutor dixit. Quia petitiones meas lau-

dabilitas vestra per ordinem implere dignata est, rogo ut publica monumenta suscipiat. Vir laudabilis ille defensor & curiales dixerunt. Testamentum quod recitatum est, gestis publicis inferatur, & quod ille persecutor velit & petit, gesta ei publicè dentur. Ille persecutor dixit. Sufficit mihi bone defensor, si testamentum, quod recitatum est, mihi gesta, ut mos est, tradere jubeatis. Defensor & ordo curiae dixerunt. Quia testamentum & mandatum inde conscriptum per ordinem conditum & bonorum hominum manibus roboratum atque signatum manifestè cognovimus, æquum est ut gesta ex hoc conscripta & à nobis subscripta tibi ex more tradantur, & in archis publicis serventur, ut facilius, quod superius insertum est, diuturno tempore maneat inconvulsum. Edatur ordine & mandatum & totus testamentum extensus, & postea defensor & curiales civium & reliqui subscriptant atque signent.

Episcola qualiter pupilli recipientur.

LXXXIV. Lex Romana constringit, ut qui tutores noluerint esse parvulorum, si forte cesserit luctuosa hereditas, in ea ipsi habeantur extranei. Propterea ego in Dei nomine ille judex provinciæ illius &c. ut supra pag. 427.

Libellus dotis.

LXXXV. Dulcissima atque amantisima sponsa mea nomine illa, ego in Dei nomine ille. Igitur dum taliter parentibus nostris utriusque partis complacuit atque convenit ut ego te solido & denario secundum legem Salicam sponsare debarem, quod ita & feci, similiter complacuit nobis atque convenit ut de rebus propriatis meæ tibi aliquid in dotis titulum condonare deberem. quod ita & feci. Idcirco per hanc chartulam libelli dotis sive per feltuciam atque per andelangum dono tibi & donatum in perpetuo esse volo, id est, in pago illo, in loco nuncupato illo, super fluvio illo, hoc est, mantos tantos, cum hominibus ibidem commandentibus vel adspicentibus his nominibus illis vel illis, cum terram cultis quam & incolitis, silvis, pratis, campis, pascuis, aquis, aquarumve decursibus, mobilibus & immobilibus, præsidis, peculis, pecoribus, vineis, farinariis, vel quicquid in ipso loco mea videtur esse posse vel dominatio, rem inexquisitam totum & ad integrum, sicut superius dixi, dono, trado, atque transfirmo. Insuper etiam dono tibi